

白華絳柎閣詩集

越縵堂集

白華絳跗閣詩甲集至己集初定本自序

白華絳跗閣者先王母建以奉佛者也閣下植棠梨樹  
一高出閣薨下承以紫薇二皆與閣栢齊予四五歲時  
卽從王母識字於閣中比十歲好讀唐人詩先君子督  
課經甚急不得攜詩塾中皆私置此閣暇卽取讀且傲  
爲之此蓋予學詩之始矣嗚呼自此汔今忽忽三十年  
家之變凡幾國之變凡幾而予之詩亦凡幾變其格丙  
午己酉壬子乙卯己未凡五次刪定其集而始得此六  
卷詩僅四百首不其難而可感與平生所作之詩不啻  
數千首也所讀之書與所爲之業自經史以及稗說梵

夾詞曲亦無不涉獵而模倣之也所學於史爲稍通見於作者有古文有駢儷文有詞有樂府有雜說雜考雜志綜之爲筆記而已所得意莫如詩其爲詩也溯漢迄今數千百家源流正變奇耦真僞無不貫於胸中亦無不最其長而學之而所致力莫如杜嗚呼來者之工吾不得而窮之矣往者則歷歷可指也以吾絜之不知其同與異與過與不及與後世誰爲論定吾文者而並世悠悠之口又不足恃則還以吾定吾文而已夫貴遠忽近中智之士多不能免況予之孤特自晦言貌祿位不足以動人而又日月逝於上體貌衰於下今年三十有四矣所得止此而欲藉是以傳不亦悲乎

詩自甲辰迄壬戌分甲乙丙丁戊己六卷都爲一集  
寫定于京師周相國邸中時賊破鄉里焚閣已一載  
矣

後二十五年爲光緒丁亥殯然老矣同人多勸手定詩  
文集以爲身後計文尙未暇先定詩集乃屬同邑年家  
子婁生同軌續寫壬戌以後詩至甲戌復得四卷編爲  
白華絳柎閣詩初集將以次年戊子屬友人持往吳門  
覓佳手刻之未及時而余大病病甫起而余婦疾作淹  
歷歲時至戊子四月之末遂有曰炊之夢所積剗剗之  
資悉耗於喪病事復輟矣去歲庚寅吾友王子繼香由  
庶常授官編修乞假歸乃持是集以往竭束修所得繕

寫付刊寫官梓人皆精其選讐校之役皆身任之王子  
余中表景瑗先生之中子也家世雅故契誼日竺其學  
銳晉迨羣文藻葩流照映一世視余之朽驚鈍廢不足  
一晒而殷殷此覆瓿之文字惟恐其不傳此非特性情  
之癖嗜蓋以余之一身葡人世之百艱其所經者由家  
及國滄海之變故固亦多矣存其詩亦足以徵閭里之  
見聞鄉邦之文獻而 國是 朝局之是非亦或有可  
攷焉夫身後之名本不足恃況以余之謫劣其不傳於  
後無疑也而王子之盛心則不可以無述刻既成聊於  
前序之後綴而記之其同時之力欲傳余集者則故尚  
書潘文勤公前祭酒王君益吾故福建知府何竟山

徵

同年陶仲彝縣令

在銘

曾聖與比部

之撰

王駿夫水部

彥威

及門樊雲門庶常

增祥

孫子宜孝廉

星華

皆黽勉

相率切於已事或摘尤殺青或寫副未竟其古誼樂善皆後人所當知也并記之辛卯七月十三日越縵老人慈銘再記於京邸軒翠舫

自光緒乙亥以後爲杏花香雪齋詩二集當次第寫出之又記

白華絳柎閣詩集總目

截縵堂類稿

卷甲

起甲辰迄癸丑

古今體詩七十首

五古十五首七古三首五律十一首七律二十六首七絕十五

首

卷乙

甲寅

古今體詩五十八首

五古十五首七古七首五律十三首七律十二首五絕一

首七絕

卷丙

乙卯丙辰

古今體詩六十八首

五古十首七古九首五律七首七律十首五絕七首七絕

二十

五首

卷丁

丁巳戊午

古今體詩八十五首

五古十六首七古五首五律十二首七律九首五絕十四

首七絕二

十八首

卷戊

己未

古今體詩九十四首

五古十一首七古十一首五律十一首七律二十三首五

絕十一首七

絕二十七首

卷己

己未庚申辛酉

古今體詩一百四首

五古九首七古五首五律十七首七律二十五首五絕十

二首七絕

三十六首

卷庚

壬戌癸亥甲子

古今體詩八十四首

五古六首七古十一首五律九首七律十八首五絕七首

七絕三

十三首



卷辛 乙丑戊辰

古今體詩八十八首

五古十二首七古十三首五律十五首七律二十三首五

絕四首七絕

二十一首

己巳庚午辛未

卷壬

古今體詩八十六首

五古三十一首七古四首五律十三首七律十六首五絕

十一首七

絕十一首

壬申癸酉甲戌

卷癸

古今體詩一百十三首

五古二十二首七古二十一首五律十六首七律二十

四首七絕

三十一首

都計古今體詩八百五十首

越縵堂集

會稽

李慈銘

原名模

恁伯

小字尊客

白華絳樹閣詩甲

古今體七十首刪一首

甲辰九月偕羣從侍大父游蘭亭

十六歲作

清游撰杖侍嘉辰  
亭館猶留舊日春  
勝事應添元月禊  
好山如見六朝人  
林尖嵐翠隨風落  
竹外鐘聲與水鄰  
多愧清門佳子弟  
酒邊裘屐一時新

書燕策後

乙巳正月

慶卿劍術豈尋常  
鷄首天心未許亡  
終是英雄燕太子  
可憐松柏餓齊王

侍大父直河新宅合樂夜宴

乙巳二月

白華綺林閣詩  
次第花間夜漏殘玉簫聲裏酒初闌畫堂歌歇珠簾捲  
高燭千枝照牡丹

予十二歲時秋日隨先君子侍大父游吼山飲于

花明禪院兩大人賦詩皆用聲字韵命予和二

首今日檢得改錄存之

丁未九月

路繞秋林細觴鳴洞中魚聽客船行雲通巖壑重門折  
水占樓臺一面明僧宿樹尖分鳥地鹿穿竹罅導泉聲  
大父詩云四山樹合添雲色半壁泉飛作雨聲先君子  
詩云竹磴陰時攙石氣溪梁斷處落鐘聲謹記于此  
桃源風景真堪想難盡巢箕浣渭情

禪院幽禽滿樹鳴背巖蘚磴少人行秋深石氣隨花發  
境窄天光借竹明一徑雲香鋤藥路半房山色誦經聲

瘦栝蘿席平生事願向煙霞結梵情

贈王于邁

後改名章又改星誠

丁未九月

王郎十歲能賦詩我亦綰髻誇摘詞  
兩家賓客競延譽渥洼各自矜雄姿  
君居郡中我負郭七載聞名苦離索  
大鵬希有一朝遇一千年來無此樂  
龍山朝爽迎晴秋黃花如斗插滿頭  
連臂狂歌過都市一時簾幕鉤高樓  
君家鬱輪霹靂手我家錦袍足沽酒  
意氣突兀青天平猗頓金張復何有  
東林宗炳開講堂時宗戶部稷辰胤立四賢講社予與  
君皆招致著錄綸衣膩帽坐滿廊  
踞觚聽講不奪席出門仰面  
凌秋光人生刺促不稱意誰謂少年足  
遊戲各歸閉戶研千秋莫逐雞蟲作生計

題鑑湖秋思圖用前題者韵

雙槩人何去夫容路已迷  
風因秋唱遠山爲暮雲低  
細浪鷗眠貼高樓雁過齊  
家家寄紅葉三十六清溪

秋霖積旬同社友分儂唐人  
閨怨塞上曲各一首

帳構芙蓉夕麝温燈前風雨  
掩重門黃花似與秋人約  
憑檻年年較淚痕

玉門關外幕頻移瀚海成流  
洗鐵衣聞說單于防漢使  
塞垣不放雁南飛

雨中侍大父至州山吳氏園  
看菊花主人已逝秋

事無存回泊秋湖飲賞終日  
賦七絕二首

丁未九月

烏衣游跡幾曾閒湖上風高  
未許還白舫青簾疏雨外

一壺松濑映秋山

黃墟人去更徘徊菊社秋荒首重回翠滿湖菱紅滿樹

此行原不爲花來

大父詩云黃墟人已遠秋色爲誰來詩稿經亂已佚謹附記二語

惆悵

戊申二月予此年作詩最多時喜效馮班袁枚半爲美人香草之作今存一首以見其略

畫堂南畔曲關東柳下毬場盡日風細草色從人去綠  
小桃花爲燕來紅收簾院落釵聲裏燒燭樓臺雨影中  
惆悵此情誰更見玉璫緘札總難通

秋日游杭州武林山至靈隱寺憩冷泉亭

己酉九月

絕境迨招提宿靄澹猶積筍屨秋徑香十里踏松屑窅  
窅鐘磬音雲深漸堪卽日幽溪景闕林斷鳥聲合暉暉  
淨僧境丹霞出層碧冷泉終古鳴石鱗冒秋雪山翠撲

寺來亭光適爲接坐對淒心神清梵破茲寂歸去衣襟  
寒台眼夢寥夕

初夏舟出徐山邨緣梅里尖之麓至清水關二首

庚戌五月

曲陂湖雨後行田居五月有餘清稻苗風裏歛蓬坐  
手卷農書聽水聲

梅里山尖眉翠新山前邨落樹爲鄰綠陰夾岸林塘午  
一路蟬聲不見人

訪樵風涇至鄭太尉祠

辛亥十月予是年作詩亦不下百首今僅存此矣

溯風訪遐址荒祠倚枯松野梅落細花石徑蒼苔濃遙  
尋拾箭處雲翠常相從溪風終古來不見樵人蹤隱隱

伐木聲夕陽在前峰

過廬石湖南宋葬宮嬪處

以下王子

廿四堆前草又春  
曩湖雲樹晝冥冥  
望斷君王翠華影  
六陵風雨一冬青

近游二首

亭外春寒報早鶯  
薇壘練帶稱身輕  
花間樓閣歸帆影  
柳岸人家放鴨聲  
到處社筵新酒碧  
沿邨蠶鼓夕陽晴  
竅憐一曲湖隄水  
照盡游人鏡裏行

板橋篋舫幾回停  
暮色怱怱起晚汀  
水氣遠涵雙塔白  
山光返照一城青  
鷺窺溼網循漁艇  
燕共春旗落酒亭  
風月南湖三萬頃  
夜涼吹笛柳冥冥



古意三首

芳樹及春榮枝葉何其繁青蔥互盤結依附如兒孫拂  
拂秋風起飄零一無存墜地戀餘蔭還復掩其根嗟彼  
委棄時猶知顧本原微植尚如此性情本無言

夫容俟秋開不怨東風暮惜其避世心未能忘所遇初  
日豔敷華盈盈向江路涉江有美人芳菲肯遺顧可憐  
拒霜姿轉側已非故何似幽蘭花空谷淡無語

灼灼桃李花羅綺驕芳叢體餐夕露秀肌映朝霞紅下  
視蹊邊草貴賤殊難同妒雨一朝至摧折泥塗中反藉  
小草力點綴殘英工寄語枝頭花莫再矜春風

壬子秋賦落解述懷二首

秋風又報三年息從此藏修未悔遲出處豈關天下重  
窮愁深恐老親知平生敢習逢時技醉後徒添感遇詩  
得失寸心都自了譚言罵坐總諍癡

盛選南金屬使臣賢書又見達 丹宸爲憂家國方多  
事深望科名出異人徼倖遂成千古錯束修忍誤十年  
身孝廉聞一能知幾應道徐生尙隱淪

閒情三首

準擬香車降夜來銅鋪屈戌爲君開銀潢一渡眞天際  
贏得巫雲斷錦迴

王母筵前按曲時纖眉長爪映璠卮十年此夢難重覓  
腸斷人間沈亞之

自結鸞釵翡翠翹錦鞵夢脫不崇朝癡情猶指樓前月  
百懺金輪轉玉簫

癸丑上元後二日與魯蓉生變元孫子九堦陳閒

谷煌王平子章結昆弟之好卽送子九之吳門

平子之姚江二首以下癸丑

寥落天涯幾弟兄素箏濁酒氣縱橫吾曹相勗惟名節  
海內誰堪託灰生蓆帽烽煙千里感布衾風雨百年情  
對牀後約無多願同作郵毗過太平

征塵黯澹起尊前纔唱留公便惘然名士對人添酒酌  
東風送客在花先生能並世關天意交到忘年總宿緣  
蓉生年四十五聞說江南春漸少尋詩休上秣陵船時  
子九年四十四

賊已陷安慶太  
平將逼江甯矣

讀明史盧象昇傳

有明季年黨禍亟朝廷甚於河北賊國有賢者孫

承宗與

盧權奸所忌陷之敵忠定勤勞擅邊事忠烈桓桓衆尤

恃書生三十臨元戎文武七州得專制雷公白騎一蹶

僵倚隅逸賊賊復張驍將橫刀躍馬返頭顧一顆高迎

祥彼哉亨九亦持戈公偉常爲義真屈指蹤獮薙清中

原邊吹 神兵踰牆入十烽連報陰山破急移韋虎當

關卧宣雲屹屹長城孤東南羣盜酌酒賀 黃麾下瞰

甘泉宮墨經倉皇對殿中九重不憚要人怨盡收貔虎

歸軍容五千見卒奮拳出大評決戰賈莊驛鐵騾四蹙

煙塵昏槩折尸僵滿袍血縷麻襯甲韉藏刀砥面風前  
勸故僚一外君親名義盡兩河人鬼哭聲高百計誣降  
結中豎部曲傷殘責對簿戴就燒鋏獄不移馬嚴連索  
君猶怒樞臣亦是功名流爭功乃與公爲仇上方賜劍  
不汝齒明年送汝襄王頭嗚呼高陽繼外漳州虜城社  
淒涼散狐鼠誰遣中流自壞船至今淚溼思陵土

得平子詩柬作此報之二首

在家不得意念爾客中居一笑展良晤花前開素書旅  
愁兵亂日風信鯉來初無邗江雲暮柴門迎送疏  
多難今方始桃源不可尋屢空衰世福偕隱老親心柰  
此儒冠累兼之病鬼侵何時得招手一徑碧雲深

東郭門外渡東橋弔余忠節公尙書二首

對策翹然壓衆英，未成要典拂衣行。  
浮言豈爲平生累，遺愛難勝故里情。  
一舸從容完晚節，二劉先後重科名。  
明季狀元殉國者公與杞縣劉文正吉水劉文忠三人而已。  
隔城亦有尙書里，慙見橋東一水清。  
闕黨尙書徐大化故第在東郭門內。

畫江倉卒起中樞，分餉徵兵淚血枯。  
航海已無殘局望，

開門尙免後時誅。六賢俎豆猶須補，  
城南六賢祠祀劉忠介黃忠端倪文

貞祁忠惠施忠愍周文節而未及公故云。異代褒榮未可誣，  
更憶城南清節

苦滄桑有弟荷耕鋤。

春日有懷寄諸同人三首

晨起不知事坐對生朝霞，好鳥簷際鳴催我。  
庭前花俯

正善系才月言E  
仰有新得飄零感逝華結契不可期戡影徒咨嗟故人  
如春風流散滿天涯萋萋數芳草王孫豈無家

美人千金姿酌我蒲桃觴皎皎指明星凝輝鑿瑤房煜  
煜羅晨葩含笑向北堂星輝知夜色花開知春光人生  
當佳景一醉胡相忘

舉足皆蠶叢行役亦憚疲出門盡鯤壑洋洋安所之坤  
軸亦何意征途均險夷山高復水長竟爲游子資寒江  
匿射景古木噓子規有生務努力各保黃髮期

郵居雜感九首

局迹蓬蒿百感侵數椽老屋傍江潯賤貧半世生涯拙  
風雨荒齋歲月深難卜外生天定局與時憂樂我何心

箸書射獵都無謂華髮蕭蕭學楚吟

率錢隨例及窮門負郭田猶一頃存縱僅涓埃須竭力

坐叨衣食總孤恩山中漸乏茅容饌殿上虛聞卜式尊

惆悵君親成兩負侏儒飽粟更休論

時郡官屢來索餉

感念 今皇建極初綸言迭下免征輸民頑尙忍連羣

盜廷議還聞斥重租

廷臣有請加賦者上不許

窮海波濤艱輓運

諸方草木缺儲胥司農可更無劉宴 宵旰何時得少

紓

桂嶺千盤毒霧多養癰從此潰山河豈真小醜關妖讖

誰使中軍祇雅歌

周巡撫之琦鄭巡撫祖琛相繼以名士帥桂管

宗澤尙存甯

至是

謂林文忠

重湘雖險待如何督師忍召鄉邦禍身後還



應誓枕戈

謂李文恭

洞庭千里氣蕭森殺伐愁連大地陰上相徒聞馳傳出  
全軍已報鑿舟沈蠻氛日夜蒸江漢鄂渚風煙閱古今  
一片塗膏問誰致祇應猿嘯答楓林

倉皇直下豫章城江上聞風潰列營沔口三旬餘劫火  
潯陽九派滙軍聲元戎已見奔單艦都護空勞集守兵  
約略諸君功罪際陷疆事重陷身輕

金陵翻手作潢池京口淮南勢莫支九道出師唐節度

五胡假號漢旌旗

時賊首偽稱明裔

并無天塹憑江壘尙想留

都伐罪時先後親征煩叔父賢王好繼繡裳詩

時惠親王奉命

統軍

聞說淮東斷麥苗黃巾乘勢揭竿招天輕民命穴稜逆  
地入中原盜賊驕解散定勞分討策承平誰講禦荒條  
天生李晟今非晚只在忠誠朔 聖朝

側身天地一登臺極望東南事可哀流水自將遺恨下  
夕陽無數亂山來我生不幸值多故平世猶難容廢材  
許國誰能信年少千秋人惜賈生才

莫春游梅山寺題僧樓壁二首

湖陰忽地見山根湖樹重重罨寺門  
筓路時通雲裏澗鐘聲多在水邊邨  
龕花午映晴嵐色燈纜春浮碧漲痕  
絕頂有亭堪攬海幾時攜酒待朝暾

山頂有  
適南亭

靈源重滌子眞泉漢尉衣冠尙儼然  
自是名山宜隱遯

多緣世亂託神仙  
薜花石徑留麕迹  
松葉香臺覆鶴眠  
避地入林須早計  
借他禪榻證初禪

夏初月夜借魯蓉生陳開谷汪韵珊秀才

蓉照餞

平子重客姚江

扁舟纔見返江城  
負米恩恩又理行  
四座高談湖海氣  
半年小別弟兄情  
酒逢良會休辭醉  
月爲離筵不肯明  
好片娥江山影落  
天風吹送洞簫聲

平子近學吹洞簫

湖上晚興二首

循隄信幽步  
處處息塵機  
人影靜于水  
晚風涼到衣  
煙生汀樹密  
橋泊估船稀  
一曲滄浪咏  
吾今買釣磯

一簇人家聚樓西  
尙夕陽山煙晚炊  
直波影酒旗長圍

客收茶翠邨姬煮蘭香清和夏初夕莫負此江鄉

題王季重先生山水畫蹟三首

故居誰問十三樓遺墨零煙散莫收留得畫中茅屋在  
山林搖落不勝秋

忍將淚血灑楓紅黃葉無多任晚風他日傳經有嬌女  
牽蘿合住白雲中

畫江一檝足鋤奸孤竹菴空鶴不還一樣首陽乾淨土  
蕺山終勝采薇山

雨後借樓蓮舫秀才 上層 晚眺二首

一雨碧天遠出門晴色開清輝足吟眺與子兩徘徊  
梵磬穿林出山光度水來羊牛各家去沿路印蒼苔

忽見炊煙起人家一帶分晚霞紅在水邨樹遠於雲占  
夕蛙爭響歸林鳥別羣結廬匪在遠暫此浣塵氛

近郊信步三首

返照出林表平疇生遠陰瓜垂風引蔓秧細雨抽鍼近  
水涼侵屐看山翠滿襟徘徊情不厭誰識野人心

梅雨今年足分秧兆歲豐平橋逢叱犍隨意問邨童  
笠烘殘日菰蒲起晚風陰晴有農譜願作信天翁  
隔浦不知處煙林帶晚蘿水聲穿隴出野色上衣多遠  
火聞人語歸雲雜鳥過還將寄山信夏果近如何

感事述游

烽火驚傳徧九州素筭尙恣犢轅游狂吟爛醉供今日

賸水殘山入早秋，雲帶邊愁隨旅雁。  
波分暮色到閒鷗，江頭誰識行歌意。  
擊木蒼茫寫百憂。

游漓渚山小憩茅菴有作

涼風颯颯吹我襟，尋幽不顧山行深。  
野雲依樹作秋色，溪水繞菴生梵音。  
松杪時聽走驚鼠，稻畦數見來饑禽。  
數竿修竹夕陽匿，柴扉三兩開綠陰。

癸丑蘭亭秋禊偕孫子九等十九人分賦得咸字

昔賢不可作，性情留空山。  
觴詠緬曩契，得地堪躋攀。  
修林蔭裊屐，夕照餘榛菅。  
遙遙白雲暮，秋深未知還。  
有生感哀樂，日月不我閒。  
達哉莊生旨，今昔歸均咸。  
變遷固常理，元化含其緘。  
此集亦暫遇，誰能專林巖。

讀離騷

何物文章力能令萬古嗟悲歌  
勦窮士風雅擅詩家世  
事長流涕吾生亦有涯  
須知淪落感不獨賈長沙

癸丑除夕六首

元化日流行人事迺塵積得失隨  
雞蟲一瞬判今昔芳  
華轉詰朝歲事謝茲夕萬物欣懷  
新殘年孰知惜  
昧昧東方明移眴便陳跡  
老盡今古人悚念百靈集

人生會有極抗志希古賢  
道高玩其迹文字堪鑽研  
兀坐叩眞得百家一無專  
薄植仰喬木弱羽委逝川  
豈不慕崇遠頽廢難自堅  
彈指積前日強半成愒延  
且作墮地思學語始明年

堂前陳棗栗焚香展先容墜霜無返晨驚木無迴風孤  
露遘家酷一星將告終詩書藐先訓尤悔叢厥躬今辰  
拜階下勝衣異兒童彷彿趨庭時懼責心忡忡仰首見  
遺挂欲就將何從燭花散影堂還照萊衣紅

歡笑啟家宴明燈亦煌煌中闈坐慈母弟妹侍兩旁兩  
弟亦娶婦側坐競奉觴甘旨未取辦屠蘇且分嘗家人  
如列星熠燿粲成行我母有如月團欒羅衆芒人生重  
侍奉此樂殊未央願唱百年歌四海常安康

爆竹聲咽闌念我平生友祭詩孰狂歌避債孰低首推  
解乏貨財事畜迫奔走鳳皇下覓食琅玕實無有麒麟  
代車牛牧豎斥其醜自好物所憎時艱道堪守及茲歲



寒時寸陰各毋負讀書在固窮作事必要久素心懷好  
音立言務忠厚

薄海苦多事連年勤師征漁陽國根本賊騎猶縱橫殺  
氣連晉齊重陰薄日精江淮迫歲暮蕭條無人行君  
王正宵肝我憂耿難平流民鮮伏臘何以紓皇情日  
夕望星次行當埽欃槍旭日啟閭闔萬戶皆春聲

越縵堂集

會稽

李慈銘

原名模

忞伯

小字尊客

白華絳柎閣詩乙

古今體五十八首

元夕尋王孟調

星誠

晤於陳閒谷青藤書屋并晤

魯蓉生遂偕至孟調青石草堂酣飲達旦卽席

成長歌一章示諸君

以下甲寅

今歲天公惡作劇十日閉門不得出打頭老屋雪作團  
病臥匡牀守寒慄簷溜潏潏冰忽開賀客盡著雙屐來  
今晨雪霽病亦起走訪王郎不三里王郎早出從之途  
并拉陳魯作酒徒青石書堂夜開宴行炙忙煞長髯奴  
此時城中十萬戶燈火參差動簫鼓安得看燈如盛時

照出天涯盡歌舞江淮極望煙塵生礮車飛舞燕趙城  
君王宵旰罷歡宴念此熱淚交縱橫陳生悶酒早逃  
席魯生談兵眼猶裂王郎高歌更豪絕嗚呼百年元夜  
能幾遭人生樂乃有今朝燭花四裂酒膽破拔劍起舞  
天爲高可惜男兒好身手不克乘時縛羣醜如此月明  
竟辜負狂興勃發不可收且拚從我終宵游

上元後一日與族兄弟飲偏門外快閣之水香軒

族人所新輯也

閣爲任武承太守所構非放翁  
故陞今屬陳氏樹石甚盛族人

賦其  
秀舍

相攜秋釀與春琴別饌銅槃共竹林屋裏山光隨燭轉  
池陰雪色受花深貧猶詩酒原奇福樂僅鄉園豈本心

閣上風流還代謝年年佳節此追尋

別夢

上春別夢柳枝家夜靜猶聞理琵琶  
池畔瑣窗窗外月碧闌干倚繡毬花

正月二十六日雪至二月朔忽大雷電作詩示社

中諸同志

陰陽苦相搏雷電爭崇朝寒煖割昏曉凍雲隨風消  
天公一失著掣柄聽羣豪清電照殘雪異事驚耆髦裘葛  
手翻覆四時恐遂淆人心亦不測冰炭化石交羣兒弄  
顛倒粹合非久要凡事慎更端物害靜以調保此貞固  
心萬類歸甄陶

謝陳荃譜孝廉潤診脈饋方時余養痾柯山二首

人生不卧病何地著優游林壑皆春意烽煙又近州時賦

入歛境嚴枕戈窮士感探藥老親憂醫國需君手終期

遠志酬

鼓角警西陵東南盡甲兵青衫移熱淚白眼避狂名有

日來三徑期君醉百觥相憐豈兒女出處總蒼生

贈丁韻琴文蔚卽索畫屏幅丁蕭山人能琴工畫

四首

春色到蕭然山光立幔前雨催琴意潤花倚畫叉妍戎

馬青衫感文章白社緣幾時來訪戴繫權水雲邊

北幹聳城高錢塘正怒潮一江今古限列成鼓聲驕鄉

邑猶完土浮生託 聖朝湘湖風月夜且按小紅簫

早年知姓字一宿偶同門

余王子鄉試與君同出知縣鳳君柎門

聲價當

途賤文章落第尊家山容久住烽火況銷魂許國非吾事窮愁付酒樽

豔福君脩到香閣作畫師青山描遠黛紅裛教新詞鬢影琴邊颺書聲花外遲蠻牋來十幅爲報玉簫知

寓山四負堂謁祁忠惠公像

嗚呼忠惠天人姿門第高華文采奇二十登科作司李蠻陬猾吏無能欺報敢俄膺諫垣擢惠文腦後尤嶽嶽鴛湖選郎手障天一疏披雲折其角三吳地大多疆家白晝擊鼓驚吏衙繡衣少年美如玉驄馬一出人無譁

中臺入長十三道逆黨汗流觀諫草倉皇請急歸倚廬  
四頁名堂待終老南都草創吳民驕公還持斧鋤其豪  
三弊上言僅報可擢公開府蘇臺高揚州鎮帥本名賊  
花門大縱南塘出駸駸略地窺丹楊公檄要盟尅以日  
大江鼓浪高崔嵬傳呼單舸中丞來通侯踞接健兒拜  
轅門釀酒譟如雷奄兒翻案水火急副相劉忠介出都國  
人泣彈章并列三賢名時劉澤清增馬阮上疏攻忠介并及其三大弟子謂忠惠及章  
公正宸黃師弟相隨返鄉邑同文獄起城社傾興朝  
公宗羲也  
帝子安車迎殉國義同高劉歿觀時恥逐姜商生大  
兵至貝勒以貂參聘越中遺老六人忠惠忠介章格菴  
及商家宰周祚姜宗伯逢元其一則寓公膠州高文忠  
也  
一泓清絕寓圍水角巾屹然水中止講學同源幸得

人柳橋攜手王元趾公與王正義先生毓著同受業忠介門忠介絕粒時聞正義投柳橋

从日近年講學惟得此人畫江猶子更從戎魯王監國時公從子鴻孫將兵江上巢覆

孤兒縲繼同故宅幸留施捨後藏書散盡亂離中承平

回首閒居福月檄風亭看不足夫婦清閨品畫詩弟兄

別墅從絲竹夢醒人世已滄桑終古山川對影堂公臨命時

見隔池山色嘆曰山川人物皆爲幻境今山川如故而人生又一世矣青袍尙志孤臣痛

像服青袍黃帛長放御府香園名記在誰能續公著越郡園名記四

卷平泉花石鄰家鬻客過還憑礎認亭僧貧只縛籬爲

屋野菊寒泉薦一尊魏莊耕稼幾人存當筵莫奏湘纍

曲我亦公家七葉孫太高祖母爲公女孫

養疴柯山蘿菴春夜同沈瘦生及叔弟懋聽雨



息療習禪境愛此深林中晚來鐘鼓歇雨作春山空  
經簾截嵐翠入戶猶濛濛寂坐赴僧定鶴夢常惺忪窗燭  
忽微點已過松下風竹樹漸滴瀝清音遞疏叢悵悵不  
可極下與湖氣通既聯對牀聽復邀嫺戚同楞嚴幸在  
手卽事欣余衷會耽聲聞靜奚憂生事窮蕭膠話終夕  
粥火僧廚紅

山居曉起行桃花中

春山破曉百鳥鳴開門徑向花林行長松夾路星厯厯  
路忽縱天光明上山下山錦接續谿南谿北香縱橫  
樹色合離不知處但覺一片晨霞生花下人家半未起  
穿籬蜂蝶無人聲舉足已看翠微隔回頭突現紅雲晴

林隙花光一痕白下見雪色明湖縈春衣承露碧華重  
還坐山頭吹玉笙

午卧蘿菴銀杏小院示舍弟

偶因示疾託南宗剛對柯山戶外峯一枕粥香聞院鼓  
半窗松影落鄰鐘藥包課僕和花曬茶臼看僧隔竹春  
可是二何同佞佛雲深瓢笠有相從

湖南山寺門望雨

煙波杳靄接層嵐遠近行舟盡卸帆日暮湖南山下路  
滿天風雨落松杉

第五橋晚眺二首

屏山層疊水迢迢十里春風送畫橈楊柳沿隄簫鼓轉

煙波無數夕陽橋

衣香人影滿春田又是清明上叟天爲愛鴛央名字好

游人爭上渡頭船

橋外有鴛央渡

偶興

苔陰小院歇秋千記得年時趁簸錢十載斜陽芳草地  
泥人曾此覓花鈿

銀瓶井

巢覆無完卵家亾國倖存祇今千尺井遺恨比厓門

孤山弔林處士

高人去千載遺址我重經不見梅如雪苔花滿地青湖  
山失真隱歲月有荒亭慨念昇平世東封願勒銘

西湖行宮山前置酒別樓蓮舫卽送其游吳興時

句容東堤  
軍事甚急

年來十度游聖湖聖湖秀甲東南區雲山四舳水環合  
青玻黎浸千芙蕖江東布衣有奇氣窮餓出門作遊戲  
市人鴉鵲聲不聞招手狂歌入雲際桃花李花吹滿天  
逋仙一去將千年菰蘆人物世何有醉舞不放春風顛  
酒杯今日落吾手斗大湖山重回首熙隆當日停翠華  
敕種長隄萬株柳柳老百年花覆蘋中原極望無好  
春羽書絡繹報烽火東風盡化黃河塵五雲樓閣出天  
半淚眼對花不能泣謀國豈曾參腐儒捧水何能洗河  
縣嗚呼浙西之地衍且平橫流所至無留程士女恬熙

狎官吏登臨假息憂吾生隔江衣帶幸無恙鑑湖之水  
可以釀雲門禹穴多桃源爛吟醉卧千峯上看君縛袴  
兩當衫意氣結客風塵間往來若雪有君子爲賦淮南  
招隱篇

春晚社集州山吳氏園

干戈滿地寄閒身落落菰中數隱淪名士豈應疏禮法  
高文猶可動星辰園林花鳥深春宴絲竹湖山一代人  
珍重丹青傳好事酒邊銀管照華茵

時社集題爲明大學士膠州高忠直

公祠堂碑文  
續園圖曲

寄雲上人 徹凡 招同孫子久周叔雲庶常 譽芬 周  
雪甌 光祖 余曉芸 承普 陳珊士 壽祺 三孝廉徐

葆意明經度復何叔旂通判瑞元沈寄帆上舍

助集興教寺精舍

鑑湖病客借春去日日閉門苦索句故人約我蓮社游  
三里青湖買舟渡寺門高枕湖之濱古樟十畝開綠陰  
禽聲窅窅水雲活花氣郁郁鐘磬深上人好客設蒲饌  
玉版禪參婪尾宴十年離合滄桑身一尊風日山河歎  
天門虎豹鬱烟霧大澤龍蛇變朝暮乾坤太窄浮生寬  
四顧登樓不能賦座客聞言淚莫傾丈夫豈合羈浮名  
麻鞋穿壘亦何事鉏犁便足消吾生時叔旂自太州歸  
曉芸自覃懷歸  
中年青鬢忽蕭索吾道艱難此身託回頭試問拈花人  
佛亦無言早心諾門前山色何沈沈斜陽極目無遐心

浮波拍拍解維去誰與結屋弄沙禽

飯後遊寺後竹院口占同子九

幽尋憩脩竹一徑已斜暉但覺好風至不知雲滿衣日  
長禪味淡世亂酒徒稀擬續東林社相招入翠微

平子自姚江病歸以詩柬同社諸子有蘿菴詩人  
病不歟吾道堪行卜於此之句因次其韵復之

示諸社友

百病攻腐儒成我一生嬾日月迫黍炊文字避世罕掉  
頭去訪桃花源偶向仙山侶雞犬

蘿菴山中舊有桃日園與會稽平水埭

飯青精髀肉生夜讀丹經壯心短谿流下注江水渾錢  
江曹江烟雨昏入山未深又狂走

平子以二月渡曹江予亦以三月渡錢唐

游武

夢君東渡鏡魂歸來蒙頭卧白日故人無多各  
羸疾天遣貧病一旦兼從此厄人更無術秋風君唱歸  
來辭欲求松偃無導師商聲滿地草木怨孤憤一卷幽  
弁詩東方乞食不飢外澤槁山癯萃于此碧空長嘯羣  
鷗來跂腳江頭釣秋水

月夜侍家慈近汎霞川

全家蘭夜泛輕舸燭影霞川五里遙臨水人家花夾岸  
笛聲吹月滿紅橋

初夏侍家慈晨登越王崢謁歐兜尊者道場

丹嶂千盤曉日明彩霞晴拂板輿行清谿石黛扶筇影  
翠磴雲花踏屐聲古竹烏啼西子社平蕪馬跡故王城



山有句踐洗劍池盤靈山來證瞿曇夢佛火蒲團似隔  
馬岡又有允常舊城  
生予生之初先大母曾禱於此  
及舉予時又夢比邱入室云

兩日中徧行山陰南塘道上擬奉 太夫人卜居

山水佳處作此見志

緒風啓遙晷承歡戒蘭晨理楫緬近塗波瀾湖光勻山  
花藹韶夏田苗接餘春遠秀映邨墅衆綠浮城闔鱗鱗  
赴川鳥曖曖歸墟人蒲帆與煙水所至如相親繫纜承  
巖猿開窗釣池鱗嘉游豈云饜選最方怡神鑑水三百  
里隨處堪問津游巖幸依母將結由東隣

夕陽中過湖塘邨愛其風景欲徙居之屬畫師分

寫二圖以爲先券

十里湖塘一鏡圓，端相結屋水雲邊。  
花光夾渡開魚市，山影隨波漾酒船。  
田事千畦新雨後，人家一岸夕陽天。  
春舫秋策生涯了，小畫分教妙筆傳。

生小二絕

生小靈芸最可憐，夜深吹笛綺樓前。  
多情一抹花梢月，照見當年玉鈿蟬。

新樣菖蒲禮佛冠，玉鬟的的曉星寒。  
銀河清淺無多水，莫作生前淚點看。

夏日行柯山裏村

溪橋纔度庫篷船，村落陰陰不見天。  
兩岸屏山濃綠底，家家涼閣聽鳴蟬。

初秋夜起

夜涼起凭曲闌斜半臂輕籠杏子紗月色中庭誰共看

晶簾剛映玉簪花

點民兵

時大府調台州鄉兵備賊犯浙日累累過郡以萬計李子感而作此

朝見點民兵暮見點民兵材官領健兒朝暮趨王程童  
稚驚走啼禾黍踐縱橫國家重武備列郡屯嚴營承平  
一廢弛按籍存其名草野慕忠義訓練資遐征此輩好  
身手什九不知耕側聞啟行日祖道無哭聲忼慨期報  
國豈翳今日情自古稱善將約束務乎精官兵不知戰  
況責蚩蚩氓失業仰軍廩努力爲聖明莫久苦父老租  
賦無常贏

近聞四首

近聞江上逼危烽四境嚴兵備伏戎不信運籌須日下

豈真養寇樂軍中臨軒節戍中丞寄傳箭關河列鎮雄

槃劍凜然明詔語新傳上策誤檀公時湖北巡撫青麀以武昌再陷請赴

湖南募兵收復失地規避就荆州詔責其正法

秣陵自古帝王州兩載羶腥未卽收豈是趙辛持異議

頗聞安史自相仇先是賊首洪秀全爲其下楊秀清所殺近聞秀清亦死海峽尙

掣南征力時劉麗川尙踞滬上銅馬還深北去憂時僧王圍連鎮勝都統團高唐

俱未克捷將帥屢膺殊錫寵憑誰隻手奠金甌

算繕除陌力都殫百萬屯軍仰縣官酒保多藏開府告

健兒盡戴侍中冠猶聞私囊征求急漸恐驕兵節制難



財賦淮南新被寇莫教民氣更凋殘

時揚州軍營  
新行抽釐法

食土承平二百年故家喬木入風煙  
夢魂殺賊荒雞候  
清淚聞笳老雁天日飲  
何成底用痴人相惱託詩傳  
五湖辦取浮家具莫問桑麻杜曲田

秋月篇

秋月何皎潔秋花何鮮澄  
秋花雖云好不能留兩情亭  
亭結綺樓寶帳流蘇盤滅燭  
看明月徘徊玉闌干闌干  
外何極河漢西南流湘江楓  
葉冷巫峽猿啼愁思君不  
可見知君苦行旅估客夜行  
舟思寄尺書去寄書終不  
成順風且寄音今夜停砧杵  
知君不忍聽秋風隨處到  
秋月知人老桂樹俟冬榮  
夫容怨霜早早晚人成故月

圓知幾度但願月長好  
違計容華暮坐對漸生憐  
回頭掩鏡奩待郎歸  
有日拜汝一開簾

早起賦示諸同好

老桂忽然華四山  
得秋清幽人夜無寐  
晨起事屏營髮亂尚忘櫛  
遑治俗士名涼意滌塵垢  
朝霞映高情萬事法乎肅  
守道戒志盈兼葭念之子  
秋風多遠聲薄寒視衣帶  
持以道平生有得已無言  
欲贈心忤忤

寄蓉生

人生無一可念爾益傷神  
骨節窮途累文章薄俗嗔  
坵魚頤母老市絹慰妻貧  
老去休憔悴功名似買臣

君年將五

十

十二夜月

寒陰積淫潦素節慘不舒中庭夜起望層氛結天衢今  
宵見明月隱隱城東隅秋色滿地來清風盈玉除元魄  
雖尙虧一鏡半已餘娟娟闔中子善懷能起予瑤琴久  
不御顧影空踟躕清光兩可鑒保此長成初

十三夜月

秋思昨無極未夕先凝望奢願本難足況此明月光皓  
魄揚澄波散彩周天傍纖雲紛桂羅星稀不成行盛滿  
已漸近金氣秉方剛徘徊獨中夜清輝孰能藏君子務  
蓄德萬事安其常

十四夜月

今夕更何夕天宇開沈寥斯人少眞鑒想望屬來宵伊  
予乘夙尙瑟居無俗翬凝神在清虛萬古來迢遙桂華  
一以歇好風吹其條高樓怨未已華燈永今朝感極不  
可見憑闌誰爲招

十五夜月飲田家

百年此夜幾吾生況艱難撫茲良節暇鄉鄰慶檀欒冰  
甌幸無恙中孕山河寬大地一破碎誰能同悲歡自憐  
滄海身田間習所安老農供宿釀殷勤賦盤桓醒醉我  
與月不厭終宵看舉念屬霄漢星斗逼高寒雞鳴振衣  
起天路何漫漫

十六夜無月



浮雲蔽東隅，皓景沈吳泉。盈虧亦常事，韜晦豈能全。盛  
極本難繼，造物應無權。殘酒徒自斟，明燈列空筵。高城  
黯莫色，飛鳥失故還。瑤華不自保，墮地化爲煙。攬之不  
盈掬，欲贈各一天。至化有榮枯，吾心自貞堅。

十八夜月甚寒少坐卽就寢

陰風吹庭柯，獵獵作商聲。巖城動更鼓，金魄雲端呈絳  
氣。非昨時清輝，不能盈榮落。隔崇朝志士難，爲情上撫  
節。景逝下感萬物鳴，悽惻天地懷。匪伊哀怨縈。

十九夜月色更幽偕武林蔣藹卿

坦

坐舟詣賞閒

邨居與友人夜話

夜永月遲出，雲鱗比銀河。佳客挈蘭檝，相邀弄清波。遠

樹生晶輝沙際鷗鳧多開襟話曩暢彈琴聲以和人生  
重聚首良夜沉易過臨觴忽不御別後誰當歌睠焉念  
崇蘭照影惟山阿秋深不可卽君子思如何

病中作

天意本難測吾生何太浮瀕危知骨肉垂念辱交游夢  
影孤燈眩秋聲一枕收讀書慚未就還切百年憂

病起詣柯山舟中卽事

兩月卧寒疾秋風不相待今晨理輕舟突入鷗鳧峴曉  
日瀲灩浮晴空澱湖霧起迷西東山靈嫌我久不出特  
使眼眴窮溟濛人家漸近霧初歛煙景參差遞隱見楓  
樹蕭疏澤國深雁聲繚繞江天晚擁裘靜對篷窗眠病

骨初受霜風砭人生不舛飽邱壑詩成豪興能千年可  
惜蕤蕤並鱸膾烽火怱怱罷高會白雲紅葉遲暮時到  
處湖山不堪醉嗚呼人生出處誰非天煙霞痼疾由來  
偏往還梅市柯亭路長賦淮南桂樹篇

由潞南出梅市用放翁梅市詩韵

潞南梅市任攜船曲曲幽尋稱醉眠僧寺半留山翠外  
農家多住竹林邊魚梁網曬斜陽岸鹿柴薪添小雪天  
如此仙鄉宜結屋且租菱芡待明年

喜聞官軍收復武昌黃州漢陽三郡賊勢日蹙

江漢橫流歲幾更喜聞捷奏下三城一軍朔漠光明甲  
百戰南豐子弟兵

時提督塔齊布公  
侍郎曾公功爲寇

從此上游增險守

更期諸路協師貞須知枕戟行間苦盡入深宮問夜情  
秋莫招子九游滴渚寶壽寺品茶禪室而歸

窮秋入幽寺人與山氣深雀啁動松梵麈迹明苔陰言  
借晦堂侶證此清涼心經簾養茶夢蕭廖生衆音拄杖  
一點背妙義誰能尋似聞微雨作遠隨疏磬沈出門澹  
若悟暮色彌空林

病起感興

病起事千古雕蟲亦可憐無才生晚世不外有豐年山  
靜秋林響江空夜火懸行藏吾自有莫問董生天

冬至至柳姑祠

緣郭十五里弭棹湖之湄循畦入叢竹林陰開雙扉敗

垣倚修麓清風衍靈祠一路薜蘿生隨意綠庭墀我來  
正啼鳥徘徊異春時葭披碧潭淺楓落斜陽遲青山如  
病客疏慵見奇姿幽尋得茲賞暮色恆相期牧笛歸牛  
羊炊煙散茅茨回舟見汲女修眉照清漪

書近況寄諸故人

八口饑寒四國兵未能將母況蒼生人經多故文章健  
事到難圖出處輕家世謝莊無老壽弟兄王楷盡痴名  
一聯輕甲難消受不敢軍前請繫纓

晚興

高林倚危郭中有子雲居福薄矜言命途窮漸讀書梅  
前春釀熟雪後晚鐘疏信得江湖樂門前話老漁